



- Izvjestaj za razdoblje: 01.01-31.12.2018.
- Opis djelatnosti: Socijalna zaštita je organizovana djelatnost koja je usmjerena na osiguranja socijalne zaštite građana , posebno porodica sa djecom , napuštene i zanemarene djece , te starih i bolesnih lica. Djelatnost socijalne zaštite je od opšteg interesa za društvo jer osigurava pomoć za podmirenje osnovnih egzistencijalnih potreba socijalno ugroženim licima i porodicama koje to nisu u stanju same obezbjediti.

| Aktivnosti u razdoblju od 01.01.2018 do 31.12.2018. | |
|---|---|
| <input type="checkbox"/> Unutrašnje aktivnosti | Aktivnosti Centra podrazumijeva praćenje i proučavanje problematike iz oblasti socijalne zaštite, istraživanje socijalnih problema i pojava, planiranje širih i sveobuhvatnih mjera, iniciranje programa mjera za pojedine akcije , preventivni rad u cilju smanjenja potreba za pružanjem neposredne pomoći, pružanje različitih oblika socijalne zaštite i usluga socijalnog rada, te posredovanje kod ostvarivanja različitih prava. |
| <input type="checkbox"/> Komunikacija s građanima | Centar je otvoren za građane svakim radnim danom od 6:30 – 15:00 h i mogu se obratiti za pomoć ili savjet svaki dan u toku radnog vremena. Građani se mogu informisati o našem radu putem fcb stranice koja je izuzetno posjećena, zatim putem telefona i maila. |
| <input type="checkbox"/> Komunikacija s višim razinama vlasti, međunarodnim organizacijama itd. | Centar ima veoma dobru komunikaciju sa opštinskim službama i sa načelnikom, te resornim ministarstvom, a takođe i sa određenim međunarodnim organizacijama sa kojima saradjujemo i realizujemo određene projekte. |
| <input type="checkbox"/> Najvažnija dostignuća | -angažovanje logopeda, poboljšanje uslova rada uz nabavku potrebnih materijalno – tehničkih sredstava, bolja saradnja sa nevladinim organizacijama, mjesnim zajednicama, međusektorska saradnja koja je dovela i do rješavanja nekih gorućih problema |
| <input type="checkbox"/> Prepreke u radu | -nedovoljna sredstava za rješavanje zahtjeva za JNP, - nedovoljan broj socijalnih radnika - nemogućnost angažovanja psihologa koji je neophodan za rad Stručnog tima u Centru |
| <input type="checkbox"/> Unutarorganizacijske prepreke | Centar je u 2018. imao 7 stalno zaposlenih i troje na određeno . |
| <input type="checkbox"/> Prepreke iz okruženja | Nedostatak finansijskih sredstava i slaba angažovanost građana za prijavu nasilja i drugih nedozvoljenih oblika ponašanja , a što bi omogućilo naše efikasnije djelovanje. |
| <input type="checkbox"/> Preporuke za Općinsko vijeće | Bolja informisanost i komunikacija će dovesti do bolje saradnje i boljeg razumijevanja naših problema i značaja našeg rada. |

- Broj uposlenih (prikazati kvalifikacionu strukturu uposlenih): Centar je imao 7 redovno uposlenih i 3 na određeno(dva dipl. ekonomista, dva dipl.socijalna radnika, dipl.pravnika, socijalnog radnika, pravnika i dva radnika sa SSS i logopeda)

| | |
|---|--|
| Imovina: | |
| <input type="checkbox"/> Stalna sredstva vrijednosti na dan 31.12.2018. | N.V. 663.505,00 KM S.V. 511.803,00 KM |
| <input type="checkbox"/> Ispravka vrijednosti stalnih sredstava 31.12.2018. | I.V. 151.702,00 KM |
| <input type="checkbox"/> Obrtna sredstva vrijednosti na dan 31.12.2018. | 114.424,00 KM |

| | |
|---|---|
| Prihodi u 2018. godini | 1,499.499 KM |
| <input type="checkbox"/> Prihodi ostvareni redovnom djelatnosću | *1,261.352 KM |
| <input type="checkbox"/> Fakturisani prihodi | 3326 KM |
| <input type="checkbox"/> Naplaceni prihodi | (1923 dugovanja iz prošle godine +3226 KM) =* 5149 KM |
| <input type="checkbox"/> Nenaplaćeni prihodi | 100 KM |
| <input type="checkbox"/> Prihodi iz Budžeta/Proračuna općine | *232.049 KM |
| <input type="checkbox"/> Ostali prihodi | *949 KM |
| <input type="checkbox"/> | |
| Rashodi u 2018. godini | |
| <input type="checkbox"/> Bruto plaće (ukupno) | 142.691 KM |
| <input type="checkbox"/> Najniža isplaćena plaća | 495 KM |
| <input type="checkbox"/> Broj uposlenih sa najnižom plaćom | 2 |
| <input type="checkbox"/> Najviše isplaćena plaća | 1414 KM |

| | |
|---|---|
| <input type="checkbox"/> Narativno obrazloženje i da li se obračunavaju i plaćaju obaveze po osnovu poreza i doprinosa na isplaćene plaće <u>Obaveze se isplaćuju redovno po Zakonu o doprinosima i Zakonu o porezu na dohodak. Potražujemo sredstav za poreza i doprinose iz 2006.i 2007. u iznosu od 9082 KM</u> | |
| <input type="checkbox"/> Naknade troškova zaposlenih | 22.156 KM |
| <input type="checkbox"/> Narativno obrazloženje | Naknade troškova odnose se na topli obrok, troškove prevoza ,regres i pomoć u slučaju teške bolesti |
| Izdaci za materijal i usluge | 33.689 KM |
| <input type="checkbox"/> Putni troškovi | 321 KM |
| <input type="checkbox"/> Izdaci za energiju | 1111 KM |
| <input type="checkbox"/> Izdaci za komunalne usluge | 942 KM |
| <input type="checkbox"/> Nabavka materijala | 867 KM |
| <input type="checkbox"/> Izdaci za usluge prevoza i gorivo | 1.796 KM |
| <input type="checkbox"/> Izdaci za tekuće održavanje | 10.361 KM |
| <input type="checkbox"/> Izdaci za bankarske usluge | 1812 KM |
| <input type="checkbox"/> Ugovorene usluge | 16.479 KM |
| <input type="checkbox"/> Popis 10 najvećih i najznačajnijih dobavljača | 1. Elektrodistirbucija Zenica 2.BH telecom 3.KJD Maglaj 4. Knjižara NINA |

| | |
|--|---|
| | <p>5. Džino petrol Maglaj</p> <p>6. Securitas Sarajevo</p> <p>7. JP Službeni list</p> <p>8. Next Media</p> <p>9. Europa trade Maglaj</p> <p>10. JP Centar pošta</p> |
|--|---|

| | |
|--|---------------------------------|
| Potraživanja : | (potraživanja od ZDK i općine) |
| <input type="checkbox"/> Potraživanja iz protekle godine | 95.107 KM |
| <input type="checkbox"/> Potraživanja iz prethodnog perioda | 9082 KM |
| <input type="checkbox"/> Ostalo | = |

| | |
|--|------------------|
| Obaveze: | |
| <input type="checkbox"/> Prema dobavljačima | 1.454 KM |
| <input type="checkbox"/> Prema uposlenima | 20.912 KM |
| <input type="checkbox"/> Neto plaće | 7321 KM |

| | |
|---|--|
| <input type="checkbox"/> Porezi i doprinosi | 12.937 KM |
| <input type="checkbox"/> Obrazloženje | Uračunate i obaveze iz 2006. i 2007. -u obaveze prema uposlenim ulazi i topli obrok i prevoz 654 KM |

| | |
|----------------------------------|--------|
| Rezultat iz poslovanja: | |
| <input type="checkbox"/> Dobit | 121 KM |
| <input type="checkbox"/> Gubitak | |

Dodatno:

Centar nije profitna organizacija tako da nismo mogli ostvariti neku znato veću dobit. Jer i prihode koje imamo koristimo za pokriće redovnih toškova i to umanjuje tranšu koju dobijamo od općine.



OVLAŠTENA OSOBA
Senka Alispahić Bajrić
Senka Alispahić Bajrić

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA MAGLAJ
JU Centar za socijalni rad**

IZVJEŠTAJ O RADU
ZA 2018.GODINU

Maglaj, januar 2019. godine

Sadržaj :

1. Uvodne napomene
2. Podaci o ustanovi
3. Aktivnosti u oblasti socijalne zaštite
 - 3.1. Zaštita maloljetnih lica
 - 3.2. Zaštita punoljetnih lica
4. Ostala prava
 - 4.1. Zdravstvena zaštita
 - 4.2. Prava neratnih invalida
 - 4.3. Zaštita porodice sa djecom
5. Rad na projektima
6. Finansiranje
7. Zaključak

1.UVOD

Socijalna pomoć , kao dio socijalne zaštite , temeljno je ljudsko pravo, koje je navedeno u osnovnim instrumentima za zaštitu ljudskih prava.

Oblast socijalne zaštite nije uređena na nivou BiH nego je to u nadležnosti kantona, a manji broj prava je na federalnom nivou (prava neratnih invalida). Općina može donijeti odluku o provođenju socijalne zaštite na svojoj teritoriji tako da može proširiti prava , a i uvesti neka druga prava u skladu sa svojim ekonomskim mogućnostima.

Cilj sistema socijalne zaštite je da doprinese društvenoj stabilnosti države tako što će se najugroženijim dijelovima društva osigurati pristup neophodnoj pomoći. U slučaju velike nezaposlenosti, kao što je to kod nas, ovo pitanje postaje ključno pitanje.

Sadašnji sistem socijalne zaštite u BiH karakteriše podjela na ratne i neratne grupe korisnika, čime se stvaraju dva paralelna sistema povlastica koja nemaju veze sa stepenom potreba korisnika nego sa statusom. *Također, velike su razlike u pravima od kantona do kantona.*

Sistem socijalne pomoći i budžetskih izdvajanja za ovu namjenu treba promjenu, već godinama upozoravaju domaći i međunarodni stručnjaci. U Bosni i Hercegovini se stalna socijalna pomoć dodjeljuje osobama sa nedostatkom radne sposobnosti ili nedostatkom mogućnosti ostvarenja prihoda (osobe starije od 65 godina, koje nisu ostvarile mogućnost na penziju, osobe mlađe od 15 godina i sl.).

Novčanu pomoć dobijaju i civilne žrtve rata, osobe sa invaliditetom, te porodice u vidu dječijeg doplatka, ali su ti novčani iznosi najčešće minimalni i nedovoljni za konkretniju pomoć.

U okviru rada Centra je i ostvarivanje prava porodilja u radnom odnosu , kao i nezaposlenih majki. Tu je također dosta manjkavosti u zakonu koje ćemo kasnije objasniti.

Zbog navedenih nedostataka sve češće se upozorava kako je potrebna reforma sistema socijalne zaštite, kako bi se osigurala održivost sistema i mogućnost da se osigura društvena uključenost ugroženih pojedinaca.

2. PODACI O USTANOVI

JU Centar za socijalni rad Maglaj ima sjedište u Maglaju, ul.Srebreničkih žrtava rata bb

(U daljem tekstu : Centar)

Centar radi od 1975. godine kao radna organizacija , a od 5.11.1996. godine registrovan je kod Višeg suda u Doboju i upisan u Sudski registar broj : US/I-6/96, kao Javna ustanova Centar za socijalni rad Maglaj.

Zbog promjene adrese i šifre djelatnosti Centar je preregistrovan 11.9.2012. kod Općinskog suda u Zenici.

Osnivač Centra je Općina Maglaj.

Organ upravljanja je Upravni odbor kojeg imenuje i razrješava Općinsko Vijeće.

Centar ima 8 zaposlenih:

- 1- Hadžić Aida, dipl. ecc, direktorica
- 2- Hasnić Jasmina, diplomirani socijalni radnik
- 3- Delić Lejla, socijalni radnik
- 4- Muftić Amerlina, diplomirani pravnik
- 5- Hasančić Sabina, pravnik
- 6- Mašić Hajrija, administrativni radnik
- 7- Bradarić Nadina , knjigovođa
- 8- Hasanić Aziz, vozač, ložač i kurir

Postoji potreba za još jednim socijalnim radnikom i psihologom .

Centar za socijalni rad Maglaj posjeduje vlastitu poslovnu zgradu koja je izgrađena 2007. godine uz podršku Njemačke vlade, Vlade ZDK i Općine Maglaj. Zgrada ima 650 m2, od čega 200 m2 koristi Dnevni centar za djecu sa posebnim potrebama . Centar je tehnički relativno dobro opremljen, posjeduje dva automobila. Imamo adekvatne prilaze za invalidne osobe i kancelariju u prizemlju zgrade za njihove potrebe. Zgrada ima centralno grijanje na pelet.

U okviru svoje djelatnosti u skladu sa zakonskim propisima, Centar uredno vodi evidenciju o pruženim uslugama, kao i o korisnicima usluga

U 2018. godini u Centru je evidentirano **1949 predmeta**, što je za skoro **400 više** od prošle godine. S tim da je broj pruženih usluga znatno veći i teško ga je tačno odrediti zbog složenosti poslova.

3. SOCIJALNA POMOĆ

3.1. Zaštita maloljetnih lica

Zaštita maloljetnih lica je jako osjetljiva oblast jer su djeca u pitanju i nastojimo na najbolji način odgovoriti na probleme koji se javljaju ili na potrebe koje su evidentne.

Maloljetnička delikvencija

U radu sa maloljetnim delikventima može se raditi samo savjetodavno. Rješavanje ovih pitanja zahtjeva postojanje i drugih institucija, kako bi se proveo tretman koji pomaže mladima da razviju zdravu ličnost i da nastave sa normalnim životom.

U Zakonu o zaštiti i postupanju sa maloljetnicima u krivičnom postupku („Sl.novine FBiH“ Broj : 07/14) propisane su mjere kojima je svrha da se ne pokreće krivični postupak. Zakon, između ostalih preporuka i mjera, preporučuje „lično izvinjenje oštećenom“ i „naknadu štete“. Provođenje preporuka i mjera vrši ovlaštena osoba organa starateljstva, osposobljena za provođenje postupka posredovanja.


U određenim slučajevima, a na zahtjev PS Maglaj obaveza je socijalnog radnika da u roku od 24 h uradi kompletnu socijalnu anamnezu za cijelu porodicu.

Jedna od uloga Centra, kada su u pitanju maloljetni delikventi, je i davanje prijedloga i mišljenja za izricanje preporuka i mjera tužilaštvu i sudu.

Socijalni radnik je, također, obavezan na poziv policijskih službenika izaći na teren u bilo koje vrijeme dana, tako da su u Centru uvedena dežurstva socijalnih radnika jer moraju biti dostupni 24 h/dan.

U 2017. smo imali 9 intervencija, od kojih je za 7 maloljetnika obustavljen postupak, nad jednim je pojačan nadzor organa starateljstva, dok je jednom maloljetniku izrečeno „policijsko upozorenje“.

U 2018. imamo 9 pokrenutih postupaka, jedan je recidivista. Za 3 maloljetnika urađena je medijacija i izrečene su mjere „lično izvinjenje“, ostali nisu okončani




Starateljstvo nad maloljetnim licima

Starateljstvo je oblik zaštite maloljetnih lica bez roditeljskog staranja, koja nisu u mogućnosti starati se o sebi. Poslove starateljstva vrši Centar kao organ starateljstva, neposredno ili putem imenovanog staratelja. Ako štíćenik ima imovinu, organ starateljstva poduzima mjere da se ta imovina popiše, procijeni i preda staratelju na upravljanje. Staratelj ne može bez prethodnog odobrenja organa starateljstva poduzimati poslove koji prelaze okvire redovnog upravljanja štíćenikovom imovinom.


Centar, kao organ starateljstva, ima vrlo odgovornu funkciju i ulogu kod zastupanja i brige o djeci bez roditeljskog staranja.

U 2018. godini evidentirano je 10-oro djece pod starateljstvom, od kojih je **4-ero u hraniteljskim porodicama**



Smještaj djece u drugoj porodici

Djeca mogu biti smještena i u druge porodice (srodničke ili nesrodničke), ako su iz nekih razloga udaljena iz vlastitih porodica. Centar vodi stalnu brigu ovoj djeci, vrši kontrolu o njihovom zdravlju, školovanju, zaštiti imovine i sl. U 2018. godini 4-ero djece je smješteno u drugu porodicu, uglavom srodničku (HRANITELJSKE PORODICE)



Smještaj djece u ustanovama

Pravo na smještaj u ustanove socijalne zaštite ima vaspitno zapušteno ili zanemareno dijete, dijete bez roditeljskog staranja i dijete čiji je razvoj ometen porodičnim prilikama. Smještaj ima za cilj da se djeci omogući stalna briga i potpora u zadovoljenju njihovih potreba, a koje nisu mogli ostvariti u svojoj porodici ili na neki drugi način.

U domove je smješteno petero djece.

| USTANOVA | 2016. | 2017. | 2018. |
|---|-------|-------|-------|
| SOS selo, Gračanica | 2 | 2 | 2 |
| Đački dom, Zenica-spec.potrebe | 1 | 1 | 1 |
| Centar za edukaciju govora, Tuzla | 1 | 1 | 1 |
| Centar za slijepu i slabov. djecu, Sarajevo | | | 1 |
| UKUPNO : | 4 | 4 | 5 |

U 2017. usvojen je **Zakon o hraniteljstvu**. Država BiH, u okviru procesa pridruživanja EU, ima obavezu usklađivanja propisa s međunarodnim konvencijama i evropskim standardima, uključujući i oblast socijalne zaštite.

Ovo podrazumijeva deinstitutionalizaciju, tj. smještaj djece u hraniteljske porodice, a što manje u institucije. Hraniteljske porodice moraju ispunjavati zakonom propisane uslove i proći odgovarajuću edukaciju.

Usvojenje djece

Ovo je poseban oblik porodično-pravne zaštite djece bez roditelja ili bez odgovarajućeg roditeljskog staranja kojim se zasniva roditeljski, odnosno srodnički odnos. Usvojenje može biti potpuno i nepotpuno. Procedura, uslovi i rokovi su propisani Porodičnim zakonom, a kontrolu vrši federalni inspektor.

Na području naše općine je veoma mali broj djece koja su ostavljena i koja ispunjavaju uslove za usvojenje (u zadnje četiri godine ni jedan slučaj).

Porodični zakon je propisao vrlo stroge kriterije koje moraju ispuniti i usvojitelji i usvojenik.

U 2018. godini zaprimljeno je 26 zahtjeva za usvojenje, 6 više od prošle godine, a nismo imali usvojenja jer nije bilo djece koja su ispunjavala propisane uslove.

Djeca sa psiho-fizičkim smetnjama u razvoju

Djeca ometena u psiho-fizičkom razvoju imaju pravo na osposobljavanje za život i rad, kroz osnovno i srednjoškolsko obrazovanje do navršanih 18, tj. do navršene 21. godine i duže, ukoliko je pravo uspostavljeno do navršene 21. godine života. Većina djece živi u svojim porodicama. Za kategorizaciju djece nadležna je općinska Komisija ili Komisija iz neke obližnje općine. U našem slučaju djeca se šalju u Tešanj u Centar za socijalni rad.

U 2018. smo imali **6-ero** djece upućenih na kategorizaciju, 5 je kategorisano , a 1 nije.

Trenutno imamo 11 kategorisane djece koja pohađaju osnovnu i 2 koje ide srednju školu .
Djeca pohađaju specijalne škole ili su kroz inkluziju uključeni u redovnu nastavu, sa ili bez asistenta. Djeca sa specifičnim i težim oštećenjima smještena su u posebne ustanove koje su prilagođene njihovim potrebama (ranije navedeno 3-ero djece).

Maloljetnici sa težim psiho-fizičkim oštećenjima imaju pravo na invalidninu po federalnom zakonu, nakon što im Institut za medicinsko vještačenje potvrdi stepen invalidnosti. Trenutno imamo **19-ero** djece koja su ocjenjena kao 90 i 100 % invalidi, kao i prošle godine. Invalidnina se isplaćuje iz Federalnog budžeta i iznosi :

I grupa -100% = 109,76 KM

II grupa -90 % = 82,32 KM

Ukoliko ostvaruju pravo na tuđu njegu i pomoć naknade iznose :

I grupa = 274,40 KM

II grupa = 137,20 KM

Ortopedski dodatak iznosi 19,21 KM

Ono što je evidentno , na osnovu podataka iz ranijih godina , je da se broj djece sa smetnjama u razvoju povećava i da se roditelji lakše odlučuju na kategorizaciju djece, a ranijih godina su bili kategorično protiv toga.

Prema podacima **Dnevnog centra za djecu i omladinu** sa poteškoćama u razvoju **14 –ero** , i maloljetnih i punoljetnih lica , iz Maglaja pohađa ovu ustanovu.

Sklapanje maloljetničkih brakova

Prema Porodičnom zakonu Centar može izdati saglasnost za sklapanje maloljetničkog braka licu sa navršениh 16 godina. U svakom pojedinačnom slučaju socijalni radnik pokušava savjetodavno djelovati i spriječiti sklapanje takvog braka, ali se uglavnom radi o već zasnovanoj vanbračnoj zajednici ili kada je supruga u drugom stanju i treba samo službeno ozvaničiti tu zajednicu.

U 2018. data je saglasnost **za 3 maloljetnička braka.**

Stipendiranje djece

U okviru redovnog rada Centra i brige za maloljetne osobe , nastojali smo naći finansijska sredstva kako bismo socijalno ugroženim porodicama olakšali školovanje njihove djece.

Već dugi niz godina g-din Hans Jurgen Putzker finansira desetak porodica godišnje sa oko 3000 eura.

U saradnji sa Centrom za kreativno odrastanje obezbjeđene su mjesečne stipendije za 8-ero djece.

Ovakav vid saradnje sa NVO i drugim udruženjima nastojat ćemo nastaviti i unaprijediti, a sve za dobrobit naše djece. Cilj nam je da kroz obrazovanje osposobimo djecu za život i rad, te da djeca socijalnih slučajeva ne budu i sama takva.

Zlostavljanje djece

Zakon o zaštiti od nasilja u porodici propisuje da se pored fizičkog, psihičkog i seksualnog zlostavljanja, pod zlostavljanjem podrazumijeva i grubo zanemarivanje djece, zapuštenost, tjeranje na prosjačenje i krađu, negativan utjecaj na djecu uslijed porodičnih nesuglasica, sklonost roditelja asocijalnom ponašanju i sl.

Ove godine smo imali 6 prijava zlostavljanja djece, ali je samo jedan slučaj procesuiran, tj. nasilnik je alkoholičar i upućen je na liječenje od ovisnosti. Ostali slučajevi su pod kontrolom, pratimo ponašanje roditelja i stanje u porodici. Želimo da napomenemo da zlostavljanje nije samo fizičko nasilje i da se tu podrazumijeva i psihičko nasilje, zanemarivanje ali i sve prisutnije cyber nasilje, te da se mora raditi i na tome da se ohrabre žrtve da prijave i ovu vrstu nasilja.

3.2. Zaštita punoljetnih lica

Zakonom o socijalnoj zaštiti, zaštiti civilnih žrtava rata i zaštiti porodice sa djecom propisan su prava koja punoljetna lica mogu ostvariti pri Centru za socijalni rad.

Svi građani mogu doći u Centar i dobiti sve potrebne informacije o ostvarivanju prava na materijalnu, novčanu i stručnu pomoć, uz zaštitu njihovog dostojanstva i privatnosti.

Stalna socijalna pomoć


Članom 21. kantonalnog Zakona o socijalnoj zaštiti definisani su uslovi za ostvarivanja prava na stalnu socijalnu pomoć, a oni su :

- a) Da su nesposobni za rad, odnosno spriječeni u ostvarivanju prava na rad
- b) Da nemaju dovoljno prihoda za izdržavanje
- c) Da nemaju članova porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja

Visina socijalne zaštite iznosi 17% od prosječne plaće Kantona i uvećava se za 10 % za svakog sljedećeg člana domaćinstva.

| Brojna struktura porodice | Visina SNP | Općina 40% | Kanton 60% |
|-----------------------------------|------------|------------|------------|
| Jednočlano i dvočlano domaćinstvo | 125,29 KM | 50,12 KM | 75,17 KM |
| Tročlano domaćinstvo | 137,82 KM | 55,13 KM | 82,69 KM |
| Četveročlano domaćinstvo | 151,60 KM | 60,64 KM | 90,96 KM |
| Petočlano domaćinstvo | 166,76 KM | 66,70 KM | 100,06 KM |
| Šestočlano domaćinstvo | 169,51 KM | 67,80 KM | 101,71 KM |

U 2018. stalnu novčanu pomoć primalo je cca 65 osoba. Zadnja isplata je bila za 63. korisnika.



Smještaj lica u socijalno-medicinske ustanove

Smještaj u ove ustanove može ostvariti lice kojem je potrebna stalna briga i pomoć, a uz saglasnost resornog ministarstva ZDK(ako smještaj ide na teret Kantona) . Sa područja naše općine trenutno je u ustanove smješteno 19 lica i to :

| Ustanova | Broj korisnika |
|---|----------------|
| Zavod za zbrinjavanje mentalno invalidnih osoba „ Drin“ Fojnica | 11 |
| Zavod za zbrinjavanje mentalno invalidnih osoba Bakovići | 4 |
| Dom za stara lica Zenica | 1 |
| Dom penzionera Zenica | 1 |
| Terapijska zajednica, Aleksandrovac | 1 |
| Dom za starija lica Prijedor | 1 |
| UKUPNO : | 19 |

Posebno angažovanje Centra se očekuje kada su osobe sa duševnim smetnjama u pitanju. Ovdje se zahtjeva multidisciplinarni rad i socijalnog radnika i psihologa , neuropsihijatra, defektologa i dr. , sve zbog boljeg sagledavanja i praćenja konkretnog slučaja ,a što Centar nije u stanju zbog nedostatka kadra.

Starateljstvo

Starateljstvo je oblik zaštite punoljetnih lica koje nisu sposobne ili nisu u mogućnosti starati se o sebi, svojim pravima, interesima i obavezama. Porodičnim zakonom je propisano da se nekom licu može postaviti stalni ili privremeni staratelj.

Pod stalnim starateljstvom trenutno se nalazi **39** lica (u 2017. 43 lica). To su lica kojima je potpuno oduzeta poslovna sposobnost kod Općinskog suda Zavidovići, Odjeljenje u Maglaju. Takvom licu Centar postavlja stalnog staratelja. Staratelj je dužan da podnese izvještaj Centru jednom godišnje ili po potrebi češće. Centar vodi brigu o šticeenicima, njihovim pravima, interesima i zaštiti njihove imovine.

Starateljstvo može biti prekinuto ukoliko se licu vrati poslovna sposobnost.

Pored stalnog staratelja Porodičnim zakonom je propisano da Centar imenuje **staratelja za posebne slučajeve**. Ovdje se starateljstvo pruža licima koja imaju poslovnu sposobnost , ali su faktički spriječena da lično učestvuju u pojedinim poslovima i sporovima. Posebno starateljstvo se imenuje :

- odsutnom licu čije je boravište nepoznato, a sam nije odredio zastupnika
- nepoznatom vlasniku imovine, a kada je potrebno da se o toj imovini neko stara
- u slučaju spora između zakonskog zastupnika (roditelja, usvojitelja ,staratelja) i djeteta
- stranom državljaninu, za određeni period
- na zahtjev, kada lice nije u stanju da se stara o sebi , svojim pravima i interesima
- u ostalim slučajevima (teško bolesnom licu, umrlom licu, zatvoreniku i sl)

U 2018. godini doneseno je **99 zahtjeva** o postavljanju posebnog staratelja (u 2017.godini 76 rješenja)

Jednokratna i privremena novčana pomoć

Jednokratnu i privremenu pomoć isplaćuje se pojedincu ili porodici koja se nađe u stanju socijalne potrebe zbog : prisilne migracije, smrti jednog ili više članova porodice, liječenja, otpuštanja sa izdržavanja kazne zatvora , izvršavanja odgojne mjere, elementarne nepogode, nesretnih slučajeva i dr.okolnosti.

Visina privremene novčane pomoći iznosi od 100,00 do 300,00 KM , a može se dodijeliti samo jednom u toku godine.

Jednokratna novčana pomoć može se odobriti u iznosu do 200,00 KM , a istom licu se može odobriti dva puta godišnje.

Sredstva za jednokratnu pomoć u budžetu nisu predviđena za Centar nego se isplaćuju preko resornih općinskih službi, što nije slučaj u drugim općinama. Centri za socijalni rad u Kantonu dobijaju povremeno sredstva za jednokratnu novčanu pomoć.

U 2016. godini nije bilo isplata , dok je u 2017. na račun Centra doznačeno 4800,00 KM. Sredstva su isplaćena ,većim dijelom u 2017. a dio je isplaćen u januaru 2018. godine.

U 2018. isplaćena je JNP za **79 lica**, a ukupno doznačena sredstva iz Kantona iznose 7200,00 KM.

Treba naglasiti da su to nedostatna sredstva u odnosu na potrebe i zahtjeve, posebno kada su liječenja u pitanju.

Nasilje u porodici

Zakonom o zaštiti od nasilja u porodici regulisani su pojmovi „nasilja u porodici“, osoba koje se smatraju nasilnicima, te vrsta i svrha prekršajnih sankcija . Ovaj Zakon je propisao da se pod zlostavljanjem smatra fizičko, psihičko, ekonomsko i seksualno zlostavljanje.

U 2017. evidentirano je 58 prijava građana po različitim osnovama i na osnovu kojih smo dobili službene zabilješke.

U **2018.** evidentirano je **47** službenih zabilješki, od čega je **27** prijava za nasilje u porodici.

Od tog broja pokrenuto je 10 postupaka kod suda, izrečeno isto toliko mjera i to uglavnom zabrana prilaska žrtvi na period od 6 – 12 mjeseci ili zabrana uhođenja i uznemiravanja. Zabilježen i je i slučaj recidiva i ta osoba se sada nalazi na liječenju od ovisnosti od alkohola.

OPET NAGLAŠAVAMO DA SE NASILJE U PORODICI NE PRIJAVLJUJE I DA JE STVARNO STANJE DOSTA LOŠIJE OD OVOGA ŠTO JE PRIKAZANO.

Uglavnom nasilje prijavljuju žene, više je evidentiranih prijava na selu, radi se o osobama sa OŠ i SSS, nezaposlenim, tako da možemo reći da je materijalna situacija najčešći uzrok porodičnih svađa, ali

4. OSTALA PRAVA

4.1. Zdravstvena zaštita

Centar za socijalni rad vodi postupak i priznaje pravo na zdravstvenu zaštitu svim licima koja nisu po nekom drugom osnovu zdravstveno osigurana. Zdravstvena zaštita finansira se iz budžeta

Kantona , a pravo imaju sljedeća lica:

- Korisnici stalne novčane pomoći
- Lica smještena u socijalno-medicinskim ustanovama
- Lica smještena u drugoj porodici
- Lica sa 90 i 100 % oštećenjima organizma, a koja nisu osigurana po drugom osnovu
- Lica sa navršениh 60 godina(žene) i 65 godina (muškarci), koji nisu osigurani po drugom osnovu
- Lica koja nisu osigurana po nekom drugom osnovu

Pravo na ovaj vid zaštite na općini Maglaj trenutno ostvaruje **175 lica** (u 2017. **188 lica**)

4.2. Prava neratnih invalida

Prava neratnih invalida regulisana su Federalnim zakonom (Sl.novine FBiH, broj : 36/99, 54/04 i 39/06). Centar prima zahtjeve i u skladu sa zakonom izdaje Rješenja. Neratni invalidi imaju pravo na :

- invalidnine (90 % i 100 %)
- pravo na tuđu njegu
- pravo na ortopedski dodatak

Procjenu invaliditeta vrši Institut za medicinsko vještačenje FBiH, tako da Centar tu samo posreduje i ne može da utiče na rješenje zahtjeva. Naša djelatnost u ovim poslovima je savjetodavna i operativna.

U 2017. ova prava ostvarilo je 469 lica, a izdato je 531 rješenje, za razliku od 2016. gdje je ovo pravo koristilo 467 lica .

Finansiranje ovih prava ide iz Federalnog Budžeta i to :

I grupa -100% = 109,76 KM (**311 korisnika**)

II grupa -90 % = 82,32 KM (**162 korisnika**)

Ukoliko ostvaruju pravo na tuđu njegu i pomoć naknade iznose :

I grupa = 274,40 KM (**198 korisnika**)

II grupa = 137,20 KM (**163 korisnika**)

Ortopedski dodatak iznosi 19,21 KM (**189 korisnika**)

| Pravo | Broj rješenja | Br. Korisnika | Retroaktivno | Redovno |
|--------------------------------|-------------------|--------------------|--------------------|------------------------|
| | 2017/ 2018 | 2017/ 2018. | 2017/ 2018. | 2017/ 2018. |
| Neratne invalidnine | 531 | 469 | 1.602,49 KM | 1.396.498,08 KM |
| | 529 | 473 | 1,418,65 KM | 1,411.740,03 KM |
| Refundacija troškova liječenja | 16 | 16 | 0 | 1.708,16 KM |
| | 18 | 18 | 0 | 1.811,13 KM |

4.3. Zaštita porodice sa djecom


Osnovna prava porodice sa djecom su:

- Dodatak na djecu;
- Naknada umjesto plaće ženi-majci u radnom odnosu za vrijeme dok odsustvuje sa posla radi trudnoće; porođaja i njege djeteta;
- Novčana pomoć za vrijeme trudnoće i porođaja žene-majke koja nije u radnom odnosu;
- Jednokratna pomoć za opremu novorođenog djeteta;
- Pomoć u prehrani djeteta do 6 mjeseci i dodatna ishrana za majke dojilje;
- Posebni psihosocijalni tretman bračnih partnera koji žele djecu i trudnica;
- Smještaj djece uz osiguranu ishranu u ustanovama predškolskog odgoja;
- Osiguranje jednog obroka u vrijeme nastave u školama osnovnog obrazovanja;
- Pravo na školarine i stipendije đacima i studentima.

Dječiji dodatak

Pravo na dječiji dodatak pripada porodici sa djecom koja se neposredno brine o djetetu, a čiji mjesečni prihodi po članu domaćinstva ne prelaze 15% od prosječne plaće Kantona . Također, ovo pravo pripada i djetetu bez oba ili jednog roditelja, porodici koja ima dijete ometeno u psiho-fizičkom razvoju i porodici u kojoj jedan ili oba roditelja imaju najmanje 60% oštećenje organizma, bez obzira na imovinske uslove.

Pravo na dječiji dodatak obavezno pripada djetetu do navršene 15. godine života. Ukoliko se dijete školuje ili je nesposobno za samostalan život i rad, to pravo može ostvarivati do navršene 27. godine.



Iz tabele je evidentno da se broj korisnika smanjuje. Razlog je loša demografska slika i masovan odlazak iz zemlje. Jednim, manjim, dijelom razlog za smanjenje korisnika DD je povećan broj zaposlenih ili veća plaća.

U ZDK dječiji doplatok iznosi 14,74 KM, a uvećani 22,11 KM.

Naknada umjesto plaće ženi-majci u radnom odnosu

Ova naknada se isplaćuje ženi-majci u vrijeme porodiljskog odsustva. Osnovicu za naknadu plaće predstavlja prosječna plaća koju je žena-zaposlenik ostvarila u periodu od šest mjeseci, prije početka korištenja odsustva zbog porođaja.

Naknada plaće, u ZDK-u, iznosi 80 % od utvrđene osnovice, a ne može biti manja od 200 KM.


Naknade za ženu-majku koja nije u radnom odnosu

Pravo na ovu novčanu pomoć ostvaruju porodilje koje nisu u radnom odnosu i čija mjesečna primanja domaćinstva ne prelaze 50 % od prosječne plate Kantona.

Novčana pomoć u 2018. godini (nešto veća od iznosa iz 2017. god, zbog veće prosječne plate) iznosila je 150,00 KM, po svakom novorođenčetu.

Jednokratna pomoć za opremu novorođenog djeteta ostvaruje se u iznosu od 15% od posljednje objavljene prosječne plaće Kantona i iznosila je 110,55 KM.

Pravo na *pomoć u prehrani djeteta* do 6 mjeseci ostvaruje se pod istim uslovima kao i novčana pomoć. Visina pomoći određuje se u visini od 10% od prosječne plaće Kantona i iznosila je 73,70 KM.



Može se zaključiti da se broj zaposlenih porodilja neznatno smanjio, ali ono što zabrinjava je drastičan pad broja nezaposlenih porodilja koje mogu ostvariti pravo na naknadu.

Zaštita braka i porodice

Centar, kao organ starateljstva, pruža savjetodavane usluge bračnim partnerima sve u cilju očuvanja porodice. Ukoliko to nije moguće, bračni partneri pokreću brakorazvodnu parnicu. Prije pokretanja postupka za razvod braka, bračni partner ili oba, a koji imaju djecu, dužni su podnijeti zahtjev pravnom licu ovlaštenom za posredovanje. Prilikom posredovanja, ovlaštenik Centra nastoji da se bračni partneri dogovore o tome s kim će maloljetno dijete živjeti, o kontaktiranju djeteta sa roditeljem sa kojim neće živjeti, o njegovom izdržavanju i ostalim elementima roditeljskog staranja. Socijalni radnik svoj izvještaj i prijedlog o povjeri djece dostavlja nadležnom sudu koji donosi konačne odluke u brakorazvodnoj parnici.

U 2017. godini evidentirano je 25 posredovanja u brakorazvodnim parnicama,

Dok smo u 2018. imali 31 posredovanje u brakorazvodnim parnicama.

OSTALI POSLOVI

U toku 2018. obavljani su i drugi poslovi kao što su :

- Pružanje stručne pomoći licima koja su se Centru obratila usmeno ili pismeno
- Poduzimanje potrebnih mjera radi zaštite ličnih i imovinskih prava i interesa korisnika Centra
- Izdavanje uvjerenja i potvrda na zahtjev
- Na osnovu Javnog poziva Ministarstva za boračka pitanja izdato je, na zahtjev demobilisanih boraca -595 potvrda (u 2017.godini izdato je 480 potvrda)
- Saradnja sa humanitarnim institucijama- „CBC Radost“ iz Tuzle
- Obračun, trebovanje i isplata naknada po navedenim pravima

- Posjete štíćenicima smještenim u socijalno-medicinske ustanove, domove i dr.ustanove, u cilju uvida u postojeće stanje
 - Saradnja sa institucijama na nivou Federacije, Kantona i Općine u cilju rješavanja statusnih pitanja korisnika Centra
 - Zaposlenici prisustvuju seminarima i edukacijama
 - Sjednice UO su redovno održavane
 - Projekat „Jačanje lokalnih mehanizama u borbi protiv nasilja nad djecom“ pod pokroviteljstvom World Vision-a
 - Projekat „ Borba protiv prosjačenja“ pod pokroviteljstvom OSCE-a, saradnja tri općine Maglaj, Žepče i Zavidovići.
 - Rad sa učenicima u srednjim i osnovnim školama-Radionice na temu „ Međuvršnjačko nasilje „ gdje su naši socijalni radnici, između ostalog , upoznali učenike sa radom i značajem Centra
 - Radionica za srednjoškolce „ Veterani mira“
 - Predavanje na temu „ Stigmatizacija žena žrtava nasilja u ratu“
 - Obilježen Dan Centra 5.11.
- **Izuzetna saradnja sa organizacijom „SOS Dječija sela“ gdje zajedno radima na rješavanju problema socijalno ugroženih porodica (50 porodica uključeno u „Projekat jačanje porodice“)**

Ovaj projekat je bio izuzetno koristan za ove porodice, a nama od velike pomoći da možemo reagovati na vrijeme. Naime, zbog činjenice da imamo samo dva socijalna radnika nismo u mogućnosti biti češće na terenu , onoliko koliko bismo željeli, a kroz saradnju sa zaposlenima iz SOS-a imali smo pravovremene informacije o stanju u navedenim porodicama. Pored toga članovi tih porodica imali su psihološku, ekonomsku i drugu pomoć od organizacije SOS , što je nemjerljiva korist i za njih, a i za nas kao zajednicu. Napredak je očit i smatramo da ovakvih projekata treba u manjim općinama koje uglavnom nemaju psihologa i razvijene servise takve vrste, a potrebe za istim su ogromne, a s druge strane mali broj socijalnih radnika ograničava njihov angažman u zajednici.

- **Angažovanje LOGOPEDA je bilo izuzetno pozitivno prihvaćeno u našoj općini.** Usluge logopeda koristilo je u ovoj godini više od 70 djece. Logoped Anita Kadrić bila je angažovana i u maglajskim vrtićima, išla je i u šeherske škole, te je na taj način nastojala obuhvatiti što je više moguće djece sa cijele općine.
- **Nadamo se da će se iznaći mogućnost za stalno angažovanje logopeda u našoj općini i narednoj godini, jer je to prepoznato kao neophodno.**

5. RAD NA PROJEKTIMA

U 2018. godini nastojali smo što više raditi na projektima, te kroz njih obezbjediti našim korisnicima materijalnu i nematerijalnu pomoć. Projekti koje smo realizovali sami ili u saradnji sa Crvenim križem Maglaj su :

- podjela drva za ogrijev za 20 porodica ukupne vrijednosti 2000,00 KM(EKC Istanbul Sa)
- organizacija iftara na otvorenom za 400 osoba, zajedno sa Udruženjem privatnika Maglaja (donacija opštine Ejjubija iz Turske)
- podjela kurbanskog mesa -5 kg, za 50 porodica sa cijele opštine (EKC Istanbul Sa)
- podjela ruksaka i školskog pribora : 50 ruksaka od CBC Radost iz Tuzle i 50 ruksaka donacija Yunuz Emre Sarajevo i Knjižara Nina Maglaj
- obilježavanje „Dana starih lica „-15 paketa
- obilježavanje „Sedmice djeteta“- 50 paketića (Mešić promet i Planjax)
- podjela novogodišnjih paketića – 50 kom (Mešić promet i Eurocentar)

6. FINANSIRANJE

Sredstva za finansiranje socijalne zaštite, zaštite civilnih žrtava rata i zaštite porodice sa djecom osiguravaju se iz:

- budžeta Federacije ,
- budžeta Kantona,
- budžeta Općine, ulaganja osnivača, privrednih i uslužnih djelatnosti ustanova;
- ličnog učešća korisnika ,poklona i drugih izvora

U prilogu dostavljamo Finansijski izvještaj o poslovanju Centra iz kojeg se može steći uvid u izvore finansiranja i način raspodjele istih. Pored toga dostavljamo i Izvještaj o izvršenom popisu stalnih sredstava, auto guma, potraživanja i obaveza i novčanih sredstava na dan 31.12.2018.

7. ZAKLJUČAK :

Djelatnost Centra za socijalni rad je praćenje i proučavanje problematike iz oblasti socijalne zaštite, kao i neposredno pružanje različitih oblika socijalne zaštite i usluga socijalnog rada. Komunikacija sa građanima je svakodnevna i smatramo da smo odgovarali na svaki izazov i problem koji je došao pred nas. Saradnja sa svim institucijama na lokalnom i kantonalnom nivou je zadovoljavajuća. U ovoj godini nismo imali slučaj koji je ostao neriješen ili da nismo pravovremeno reagovali, naravno u skladu sa našim mogućnostima i u okviru zakona.

Ono što se javlja kao problem je nedostatak stručnog kadra , jedan socijalni radnik i psiholog. Također, problem je i oduzimanje nadležnosti Centru pri rješavanju zahtjeva za jednokratnu pomoć.

Nastojaćemo u narednom periodu popraviti kvalitetu pruženih usluga koliko je to u našoj moći, jer smo ograničeni i zakonski i finansijski. Pojačat ćemo saradnju sa MZ naše Općine, sa NVO i drugim udruženjima, pogotovu na zajedničkim projektima.

Smatramo da smo radili na boljem otvaranju Centra prema zajednici, uvođenju novih usluga, medijskom predstavljanju našeg rada. Naš rad nije samo obezbjeđenje socijalne-materijalne pomoći kako nas uglavnom građani doživljavaju, nego i prevencija, edukacija , savjetovanje i niz drugih poslova koji su od pomoći našim sugrađanima.

Direktorica :


Hadžić Aida



Predsjednica UO :


Senka Bajrić Alispahić

Dostaviti :

- a) Općinskom vijeću općine Maglaj
- b) Službi za boračko-invalidsku i socijalnu zaštitu, opću upravu i društvene djelatnosti
- c) Članovima UO
- d) a/a